

四庫全書

史部

# 欽定四庫全書

史部

硃批諭旨卷八十二至

臣永瑤恭校

編修臣裴謙覆勘

總校官中書<sub>臣</sub>朱鈐

校對官中書<sub>臣</sub>朱炘

謄錄監生<sub>臣</sub>蕭志鴻

欽定四庫全書

硃批諭旨卷八十二

硃批馬紀勲奏摺

雍正五年正月初三日四川川北總兵官臣馬紀

勲謹

奏為奏明事竊臣邊鄙武夫荷蒙

皇上簡拔隆恩得補四川川北總兵受

恩深重時切圖報伏查川北一鎮上連秦省下接荆襄

雖居腹地實為水陸要衝幸蒙我

皇上教養有加地方寧謐兵民相安營伍事宜漸次就  
理惟營中盔甲旗幟緣節次口外出師大半破損  
操練之際不足以壯軍威今臣現在咨商提臣動  
支公費加意補造務期軍容改觀仰副

聖主慎重疆圉整飭營伍之至意理合繕摺

奏明謹

奏

覽奏知道了凡百處惟只據實方好

雍正五年九月初二日廣東韶州總兵官臣馬紀  
勲謹

奏為恭繳

硃批奏摺事竊臣於川北總兵官任內敬具奏明事一  
摺恭奉

硃批伏思臣躬沐

天恩至深至厚凡屬應辦事務敢不實心整理今欽承

諭旨惟有益加黽勉以期仰酬

殊眷惟是臣奉

命調補廣東於本年三月二十一日自川北起程時其  
步兵盔甲已經造成二百三十四頂副號褂四百  
件餘因公費不足尚未造竣臣已飭行該標中軍  
令其陸續製造以壯軍容所有

硃批奏摺理合恭繳伏乞

皇上睿鑒謹

奏

覽

廣東營伍懈弛將弁貪婪廢壞已極當竭力整飭務令  
改觀莫負朕委任至意勉之勉之

同日又

奏為恭謝

天恩事竊臣於川北總兵官任內遣家人恭進跪請  
聖安奏摺因臣初次進摺不諳款式冒昧之罪實無可

追乃荷

皇上洪慈

曲賜寬宥不加議處格外

殊恩雖捐糜頂踵亦何能仰答

高厚惟有凜遵

實心辦事四字人皆視為口頭常語殊不知言之甚易

聖訓勉竭駘駘實心辦事以副我

行之極難於此加勉可也  
皇上知遇之恩於萬一耳所有微臣感激私衷理合繕

摺奏



謝謹

奏

覽

雍正六年四月二十六日廣東韶州總兵官臣馬

紀勲謹

奏為恭繳

硃批奏摺事竊臣於雍正五年九月初二日敬具恭繳

硃批一摺奉到

皇上硃諭仰見

聖明在上洞悉靡遺臣跪讀之下感悚無地惟有竭力

整飭仰報

皇上高厚之恩臣於所屬營伍時加訓飭今已漸次整  
理其現在將弁臣亦諄切教誡尚俱克稱厥職如  
後有懈弛不法臣斷不敢姑容貽誤上負

聖主委任至意又臣敬具恭謝

天恩一摺奉

硃批實心辦事四字人皆視為口頭常語殊不知言之甚易行之甚難於此加勉可也欽此臣感沐

皇上簡拔殊恩銘心刻骨分宜竭盡忠誠力圖報效惟是實心辦事要非克盡私欲行之實屬甚難今欽

承

聖訓臣實力奉行以副

聖主知遇之隆恩所有

硃批奏摺理合恭繳伏祈

皇上睿鑒謹

奏

內外臣工但能勉一誠字何愁天下不大治少涉欺蔽  
朕之耳目偶或不到則必至悞事矣汝等大員身膺封  
疆重寄無論本省他省凡關國計民生要務皆宜秉公  
據實入告倘私意未融幾事不密擅作威福惑朕聽聞  
則大不可若如此不但於朕無益自亦不免禍殃汝年  
方壯盛當為朕分外效力以報知遇殊恩然須審己量

力設不能兼公慎密則又不如止盡職分內事毋為出位之思也

雍正七年三月二十二日廣東韶州總兵官臣馬紀勲謹

奏為恭繳

硃批奏摺事竊臣於雍正六年四月二十六日敬具恭繳

硃批一摺奉有

皇上硃批伏念臣受

恩深重未報涓埃敢不竭盡愚誠以仰答

知遇但恭逢

聖明在上萬國盡登熙皞已無不遂之民生况臣智識

短淺何敢越職敷陳欽承

好勉力為之聖訓諄切據臣見聞所及謹效芻蕘之獻所有

硃批奏摺理合恭繳伏祈

皇上睿鑒謹

奏

條陳一摺留中凡有密奏密之一字最為切要臣不密則失身稍有疎漏傳播於外經朕聞知則貽害於汝匪淺追悔亦莫及矣慎之慎之

同日又

奏為敬陳管見仰祈

睿鑒事竊臣邊鄙庸材身受

皇上逾格隆恩即捐糜頂踵亦難言報稱惟一誠自矢

知無不言庶以稍盡臣職謹抒一得之愚為我

皇上陳之

一錢糧宜剔弊源也竊惟錢糧之虧欠多由於胥吏之侵蝕而胥吏之舞弊必恃乎幕客之勾通臣請嗣後各州縣經管錢糧之內幕年終令出並不勾通胥吏之結與司道府倘胥吏侵蝕發覺則經管錢糧之內幕與之同罪若錢糧三萬兩以上之州縣幕客經管至五年吏無侵蝕民無積欠官無



那移虧空詳明督撫彙報內部請

胥吏勾通幕賓之弊固所不免惟在州縣牧令自念功  
旨酌量獎賞若數不滿三萬兩經管不及五年者俱勿  
名身家延訪光成精明而有品者其弊自無若以錢糧  
之完欠虧盈定幕賓之所勸懲自不為不肖之事細查摘  
就而輕薄胥吏自無所掩藏欲別在外之弊端先嚴在  
清源內之查察內幕之積弊既除胥吏之朦混易覺錢  
糧斷無不完矣此瑞本澄源之一法也

一盜案宜會審也伏查定例內營兵獲盜不許武

員私審移解州縣官審理今宜稍為變通查營兵

獲盜移解後係原失事之州縣官自上緊即行嚴

訊至後任與署事之員以接緝處分甚輕視為不

此條

交該部議奏

甚關繫每至遲緩不訊至闡茸無能之員又畏大

案難結故意稽延時日圖卸責於後任不知緝盜  
以速為要如所獲之盜到案迅即訊明確數飛擒  
夥黨自易結案若遲延不即審訊黨羽已聞風遠  
颺矣又有沽名之人故意將實作虛聽其狡辯之  
詞遂將盜賊縱放武員竟無所查察止任州縣之

操縱不但盜賊每多漏網更足以長盜風臣請嗣  
後獲盜之日無論捕役營兵之所獲應令州縣官  
會同營員共訊將公審供由令營員具文通報存  
案營員有同審之責時時得以催訊州縣自不能  
稽延營員為同審之官虛實得以參酌州縣自不  
能縱脫而營員訊知盜黨之蹤跡即可以跟緝立  
擒矣

一要缺不可虛懸也竊見邊海各省有苗猺獠獍

黎犂之地多係煙瘴之區地既僻遠民亦難治除  
知府之外即同知通判等官亦俱有撫綏彈壓之  
責非長材難以勝任故督撫於州縣中特題亦有  
於內地之同知通判中調補有三年俸滿即陞者  
有五年俸滿即陞者所以恤其苦而酬其勞也臣

此條聞各省之邊缺府州縣尚在於本任至同知通判  
可嘉之至朕久知此弊以為悉已革除未料仍敢  
題准後止委署外郡縣之事本任事件反屬虛懸  
蹈襲前轍也候另有諭旨  
延至數年俸滿居然格外陞遷矣當其保題之始

原為地擇人仍留內地委署竟似為人擇地名雖  
要缺需才實則借缺引手臣請嗣後所調之沿邊  
沿海要缺同知通判等官必令其實赴本任即署  
篆亦止令署本府所屬之州縣庶幾要缺得人以  
整飭諸務皆綜理經營則俸滿遷除方不為倖致  
矣

一水利宜興修也竊照民生所最切者為農事農  
事所最切者惟水利臣為粵東計則水利尤所宜

欽定四庫全書

明倫彙編  
卷八十二

十

修查前任撫臣楊文乾疏稱廣州府屬三水南海

兩縣肇慶府屬高要高明四會三縣圍基共七十

一處其頂衝二十六處宜用石工修築次衝四十

五處亦必須用椿用埽上植榆柳使之根生蔓延

斯事方能永久等情續經督臣孔毓珣議得石圍基有

益但所悉知者從前孔毓珣楊文乾同來陞見時曾

經再改四面商用數十萬金以修築四縣久失

輕重緩急之宜姑置不論且其來既久為害亦不甚巨

無庸議臣以公事赴肇慶沿圍基細細相度並訪

本地人民出財補堤岸以防護本身田土乃屬情理  
之常因此所以定議罷修也今何得混稱歲修每年合  
計數萬金一皆出之民間云云至若請開事例更屬亂  
道不過貪利之小人希冀開捐造為此說以惑汝之聽  
聞耳行潰決又非如淮黃之水終日滔滔不絕必需歲

修也或數十年後有缺損村民逐漸修補事亦不  
難即以土圍基而論每一圍田數百頃每歲修至  
數百金若衝決又需數百金是土圍基之歲修每  
年合計數萬金一皆出之民間惟改用石工可省

小民無限之金錢第石工費大不便動支正項臣  
請開一事例

敕下督撫酌量應捐數欸妥議確數報部先估計所用  
該若干完工即行停止再請修浚圍基而外村中  
之陂塘竇閘田間之溝洫泉源亦宜疏濬將各府  
之同知通判加以水利職銜各在所屬州縣各村  
細察遇旱蓄而遇潦洩務期啓閉盡善庶旱潦有  
縱使修成石堤不過五縣之微利何乃通言粵民慶豐  
備而粵民永慶豐亨瘴鄉俱成樂土



亨璋擲成樂土耶總緣行小惠之念切而語言顛倒錯  
聖恩固無遠不屆矣  
亂亦有所不顧矣可謂少年武夫粗率無識之至  
以上四條皆臣得之聞見者臣武人樸實無文止

一誠心報

主故不避越職之嫌謹繕摺奏

聞如果臣言可採伏祈

皇上敕部議覆施行謹

奏

覽

雍正七年六月十五日廣東韶州總兵官臣馬紀

勲謹

奏為敬陳一得之愚仰祈

睿鑒事竊臣接閱邸鈔見準噶爾不遵

王化背負

國恩侵暴兇殘跳梁跋扈我

皇上欽命大將軍出師征討臣宜荷戈前驅以宣力疆  
場緣粵東僻遠得見邸鈔甚遲所載節畧不能詳

備是以未敢冒昧

奏請伏思軍前一切機宜自蒙我

皇上指授方畧大將軍等必奉行盡善

臣材庸識陋不

敢置議至腹裏應辦併邊上事宜就

臣見聞所及

為我

皇上陳之一大兵出塞邊防更宜嚴密也一軍需宜另

設員督理也一軍前辦事之員應令督撫揀選咨

送也一軍前咨取人員不得濫調多人滋勒索而

曠職守也一馬駝宜多備也一奏銷宜變通也以  
上六條據臣管窺臆見未知有當與否伏乞

皇上睿裁謹

奏

覽奏朕嘉汝之心而鄙汝之識汝所知者乃向日邊塞  
情形今僻處粵東總未聞此番措置之方畧耳如所陳  
六條尚思慮不到仍須汝之條奏然後採擇施行則朕  
亦何敢孟浪而輕為此大舉耶其中不得已之情總仰

賴

上天垂慈助佑將來天下後世自能洞然明白也

殊批諭旨卷八十二

欽定四庫全書

硃批諭旨卷八十三

硃批張起雲奏摺

雍正八年二月二十日福建金門總兵官署理南

澳總兵官印務臣張起雲謹

奏為據實陳明事竊臣世受

國恩高深莫報仰荷

皇上不次超擢由叅將

特授金門總兵方懼庸愚弗克勝茲重任復奉

聖旨以南澳亦屬緊要著臣前往署理受

命之下益切悚惶每事殫竭愚誠不敢稍有草率以負  
皇上天地之恩茲有事關欺冒不得不據實奏

聞者案查雍正六年二月內奉

旨嗣後沿海官弁兵丁有因公差委遭風受困沒水登  
岸幸獲生全者照軍功頭等傷例賞給其或飄沒身  
故者照軍功陣亡例分別給與祭葬銀兩此誠我



皇上覆載鴻慈千古未有之

曠典凡在軍伍者無不感激自奮今有雍正六年六月  
內南澳鎮右營巡海六號繒船一隻遭風飄溺淹  
故官兵一案遵奉

恩旨照例應賞給淹沒兵丁每名銀五十兩生存兵丁  
每名銀三十兩前此鎮臣未經給發今據臣標右  
營遊擊王棟詳請將領到廣東布政司庫銀二千  
零八十兩會同文員唱名散給臣因事闕卹賞恐

有冒濫隨復細加確查其把總翁德一員兵丁黃春等一十四名委係淹沒至生存兵丁實止劉國明等九名其餘林禹等三十七名並未上船隨行冒列姓名濫邀賞賜皆由左右哨千總蔡文郁張開秀把總蕭光贊陳紹文劉必鳳濫行造報守備林甲俊冒昧轉詳適因鎮臣許良彬署事金門即據詳咨呈督臣孔毓珣據呈

題報外事關

國帑難容欺冒臣既經查出斷不敢徇隱以干扶同  
之咎應將實在存沒兵丁二十三名先行給賞其  
餘冒濫兵丁林禹等三十七名共銀一千一百一  
十兩扣除不發臣謹據實奏

聞伏乞

皇上睿鑒施行謹

奏

此奏可嘉之至汝能如是存心何慮不為千百載之人

物也實屬奉公不欺有旨諭部議叙勉之

雍正八年六月二十日福建金門總兵官署理南  
澳總兵官印務臣張起雲謹

奏為奏

聞事竊照南澳一汛上通閩洋下連粵海實係要區若  
巡查少疎恐致姦徒潛踪出沒臣自抵澳即自率  
兵船按閱巡查各處洋嶼嚴飭屬員加謹哨防不  
令偷安惟思查緝姦究必當制於未萌之先海中

原無盜賊皆由陸地無藉之民結夥潛出與其追  
拏於在洋已發之後不若防緝於在陸未發之時  
而搜剔線窩得其踪跡尤當用以賊攻賊之法臣  
現於所屬協營多方密尋舊通姦匪者一二人勸  
以厚賞寬其舊犯勗以自新使之緝賊報效密為  
耳目時刻留心四處躍探如有不軌之徒暗謀糾  
夥出海果有確證立速飛報臣及協營刻即知會  
就近文員同往緝拏臣仍時時查訪如果實有效

力酌量獎勵如敢藉端生事即加痛懲仍飭臣各處汛弁汛兵嚴查地方內如有素非善類蹤跡可疑無端外出者即密行跟究則陸地之根脚漸清汛口之究查又密復加在洋船隻勤於哨巡庶使姦頑稍知斂迹地方得以安堵臣庸愚之見是否有當理合具摺

奏請伏乞

皇上睿鑒施行謹

奏

加謹巡查悉心料理

雍正九年正月二十二日閩粵南澳總兵官

臣張

起雲謹

奏為微

臣

効力情殷仰懇

睿鑒事竊

臣蒙

皇上特恩於雍正八年十月內實授

臣南澳總兵官欽

承之下感激無地今查南澳地方雨暘時若五穀

豐登兵民安堵海不揚波臣受任海疆仰託我

皇上洪福迄今一載有餘並無盜賊在洋剽竊除出哨  
巡查外別無涓埃可補持祿養安實懼曠職近者  
西陲小蠢未寧致厯

睿懷雖諸文武大臣祇承

皇上神機廟算天兵所指剋日蕩平然竊念臣以千把  
末弁歷授今職虛糜廩粟從無尺寸之功若不及  
此時力圖報效問心何以克安輒敢冒昧懇



請願躬赴邊徼以駕鈍之身效犬馬之報縱至愚極拙不足以供驅策第以稍盡臣子微末下忱倘蒙皇上天恩俞允容臣趨赴

闕廷面請

聖訓隨星馳西土聽候指揮臣不勝踴躍待

命之至為此謹

奏

西陲之請目今暫且不必後有用汝處亦未可定候旨

遵行

雍正九年六月初八日署理福建陸路提督臣張

起雲謹

奏為奏

聞事竊臣蒙

皇上天恩署理提篆經今四月臣惟勉竭駑駘整飭營

伍練兵恤民冀仰酬

高厚於萬一茲查閩省年歲情形四月內二麥登場約

有八分收成旱未亦俱茂盛惟泉州興化至省城  
福寧各地面五月中雨澤間有數處愆期雖值青  
黃不接之時幸各處居民以二麥新收米價九錢  
一兩不等最貴之處亦不越一兩二三錢督撫臣  
復檄行有司發糶倉穀因是人情大安止有福州  
府屬之羅源縣福寧州屬之寧德縣人民素稱刁  
悍喜於聚衆為非臣於六月初四日據羅源營遊  
擊守備等呈稟俱稱羅源食米不敷價值騰貴知

縣發糶無方百姓不能均沾於五月二十五日高  
墩鋪地方陳秀南子生員陳至陞家有糶剩穀五  
百餘石為多人開倉搶去隨查獲謝亦言等六名  
交有司衙門收審又二十六日在護國鋪地方有  
無數人衆將居民游允奇倉揭開搶去穀百餘石  
正在查緝又二十七日夜復於護國鋪地方聚集  
千人將居民郭元海陳秀南鄭玉英家倉穀挑去  
隨緝獲搶穀民沈文第等五名又王沙鋪曹龍地

方民人藍世聰報稱二十八日夜有疊石鄉人張應生等三十餘人先詐飯食後搶米穀共失去穀一千斤粳米二百斤又陳洋坂民林春秀等家於五月二十八日夜為方厝塘余家塘竹兜峙陽各地方人不計其數各執火把將林春秀等六七家米穀物件盡行搶去隨擒獲陳新如等六名亦交有司收訊又據福寧鎮標遊擊稟稱寧德無米可糶價值日騰有寡婦林氏家存穀不及二百擔竟

有二百餘人齊集強勒糶賣經弁員力勸方散誠  
恐橫行日甚將來或至滋事等語臣據稟星即咨  
明督撫臣設法調劑又移行鎮臣營將協同嚴拏  
為首之人從重究治以儆刁風外因事闕聚眾搶  
奪不敢隱匿謹據實奏

聞伏乞

皇上睿鑒施行謹

奏

覽奏知道了凡百但務據實直陳絲毫不涉粉飾方是  
雍正九年十月初一日署理福建陸路提督臣張  
起雲謹

奏為奏

聞事竊臣一介武夫蒙

皇上天恩署理福建陸路提督印務受

恩深厚雖期黽勉盡職而才識短淺無能仰酬萬一撫  
衷悚懼夙夜難安不意微臣自二月抵泉視事至

四五月天氣炎熱臣過於貪涼為風露所侵先患筋骨疼痛旋乃肺氣喘逆延今三閱月肌肉消瘦步履艱難臣蒙

皇上如此隆恩即使粉骨糜身亦分所應爾是以前此尚能力疾料理不敢遽行陳

奏今則精神非舊難以支撐又何敢隱默不言以致苟延貽誤除經咨商督臣劉世明謹將陸路提督印務暫行委員協理外臣為封疆重任起見不得



不先事預籌伏乞

皇上特簡賢員畀任閩省

賜臣退閒俾得調治庶地方不致貽悞臣疾幸得痊愈  
誓此餘生再效犬馬臣不勝感激涕零之至謹繕  
摺奏

聞伏祈

皇上睿鑒施行謹

奏

汝其加意調治候朕另有諭旨

硃批諭旨卷八十三

欽定四庫全書

硃批諭旨卷八十四

硃批邊士偉奏摺

雍正元年九月二十日廣西左江總兵官臣邊士

偉謹

奏為奏明事竊臣一介武夫至愚極陋叨蒙

皇上洪恩擢授左江總兵官於到任後查臣所屬地方  
幅員遼濶水陸分岐外控安南內有土司及猺獞

雜處在在需兵防守何敢多占空糧臣遵例留總

兵親丁名糧六十分其前任多占老弱充數者盡

類此

之奏朕樂置不問督臣提臣處曾經降有諭旨爾

於便

行招募補伍以實汛防再查臣所屬各協營每年

有餽送總兵生日節禮等項陋規名色臣一槩嚴

行禁革以清夙弊臣標下四營盔甲器械逐一親

加點驗多皆舊敝除堪用者現在修整外臣率同

遊守公捐補造义子鎗二百二十桿盔甲六百四

十頂副再查營伍並無礙位亦無藤牌臣復捐造

行營礮四十位籐牌二百面俟完竣之日配兵操  
演勤加訓練以肅戎行臣屬左江河道甚屬遼遠  
商旅船隻來往絡繹防範宜嚴雖設有塘汛撥兵

礮位

防守誠恐有鞭長莫及之患臣又公同捐造船

巡防

非別項軍器可比倘有疎失關係不輕捐造固於

挑有八隻子母礮十六位烏槍八十桿鈎鏹鎗四十把

挑有益然必在兵多處安設方為妥帖

刀等項著該汛千把督率兵丁在河晝夜上下遊  
巡如此庶塘兵依哨船而助威哨船藉塘兵為眼

雖云職分內事究屬爾之盡心急公處目巡緝嚴密則地方塘汛俱有裨益以上諸事乃臣職分當為何敢冒瀆

聖聽伏惟我

皇上勵精圖治無日不以地方營伍為念是以謹將臣到任料理各事宜據實

奏明伏乞

睿鑒謹

奏

所奏俱悉向日聞汝居官為人聲稱皆好勉力為之孔毓珣韓良輔均係督提中上等優者爾當與之同心協力輯兵安民以綏靖地方可也

雍正二年四月二十二日廣西左江總兵官臣邊士偉謹

奏為恭謝

天恩事竊臣總兵名下親丁遵照定例留糧六十分前經

奏明茲者督臣孔毓珣札致提臣韓良輔云

聖恩寬厚優恤武弁令各得養廉只要勤加訓練器械  
整齊即各員親丁糧於定例之外量加幾分少資  
養廉我

皇上必曲體下情等語提臣韓良輔轉述到臣臣隨與  
督臣孔毓珣商酌於定例親丁六十分之外量加  
二十分其將備千把亦各於定例之外量加四五  
分至一二分不等臣本庸才荷蒙



諭旨令臣等各得養廉

聖恩優渥有加無已受

恩愈重報稱愈難惟有恪遵

聖諭勤加操練兵馬修理軍裝務使技藝嫻熟器械整

齊稍盡職守上報

洪恩於萬一耳為此繕摺奏

謝伏乞

皇上睿鑒施行謹

奏

知道了聞爾官聲甚好益當加勉恪盡乃職以期無負  
朕任用之恩

同日又

奏為奏明事竊臣到任後隨將捐造軍器等項緣由  
具摺

奏明茲據臣所差遊擊自廣東運回义子鎗四百桿  
新造盔甲一千頂副併修整舊盔甲三百六十頂

副藤牌二百面子母礮二十位鈎鐮鎗四十把挑  
刀四十把哨船八隻到營隨分發四營配兵操演  
巡防外

臣前摺

奏明擬造行營礮四十位盔甲六百四十頂副其行  
營礮因廣東工匠不諳製造遂添造义子鎗共四  
百桿再盔甲因咨明督臣孔毓珣督臣以六百四  
十頂副尚少恐不足以壯軍容特幫銀一千兩囑  
臣增製造盔甲一千頂副如有未敷再行找給

臣

遂製造新盔甲一千頂副現今臣標新舊盔甲共一千三百六十頂副軍裝業已整齊督臣時囑臣以訓練為急臣遵循操演今營伍兵丁技藝頗覺嫻熟足資實用但粵西地方濕熱所造號色船隻易於霉黯損壞臣與督臣提臣商酌就於臣標四營內准留糧一百分以為每年修理軍裝哨船併演放鎗礮火藥鉛彈之需庶營伍永不致廢弛矣  
理合

奏明伏乞

皇上睿鑒施行謹

奏

此係爾與孔毓珣韓良輔共相商行之舉自必與事理相協知道了不特此也百凡總要據實無隱為益甚大君臣之間應當如是上下少有間隔即如一身氣血阻滯不能流通則諸病叢集矣爾等封疆文武諸臣能見及此屏除虛偽一以誠意相孚天下何愁不常保萬年

太平也勉之

雍正三年七月初三日浙江溫州總兵官臣邊士

偉謹

奏為革除漁船陋規清夙弊以靖海疆事竊照溫州地屬海濱窮民多以捕魚為生其業最苦臣時加察訪凡有妨於魚業者悉心革除隨查溫州各寨漁船每年有總兵陋規銀二千餘兩伏思

定例稽察船隻原為防禦姦匪以衛商旅總兵一得

陋規非特苦累漁民且將弁巡察亦將不敢過於  
嚴密任其船隻出入汎守既弛姦良易混殊非靖  
海安商之法臣隨將總兵漁船陋規臚列數目出  
示概行革除嚴飭將備千把務秉公忠實心巡緝  
庶幾漁民得以樂業而海疆得以永靖矣除報明  
督臣滿保撫臣法海提臣楊長春外理合  
奏明伏乞

皇上睿鑒謹

奏

果能如是殫心革弊實力奉公可嘉之外更有何諭勉之

同日又

奏為整備軍裝以肅戎行事竊溫州襟山帶海實為扼要重地必須軍裝整齊庶可以奠海疆而靖宵小查臣標三營馬步兵丁舊有之甲多已朽敝除應加修整之外尚缺步甲一百餘身亟宜添補再



海洋禦侮鎗中惟鹿鎗最利現在營中鹿鎗少而  
烏鎗多亦應改造又出洋哨船所配火斗火罐噴  
筒火箭等項為攻擊要具因歷年已久悉屬不堪  
須另製備至臣標中左二營係屬水師額設大小  
戰船一十八隻每次哨巡總巡用船十隻各配礮  
位輪流出洋應令水兵時加演放方能純熟所需  
火藥鉛彈必多置備庶足應用以上鎗甲火具等  
項種種需費不一而足兼之浙江地氣潮濕軍裝

易於零損若不時加整理何以壯軍實而靖地方  
但一切費用營中並無所出難以措辦臣荷蒙

聖恩膺此海疆重寄何敢因循貽悞謹將親丁糧六十  
名之內撥出三十名分發三營將備每月將所領  
糧餉以備軍裝庶戎行得漸整肅矣為此繕摺奏  
聞伏乞

皇上睿鑒謹

奏

據云軍裝等項營中並無所出難以措辦何不暫存前  
項規禮添湊修整俟通融辦理之後再行裁汰耶今既  
經革除免累漁民亦屬美舉又將親丁名糧撥出以充  
修整軍裝之用殊屬可嘉所奏知道了

殊批諭旨卷八十四

欽定四庫全書

硃批諭旨卷八十五

硃批張元佐奏摺

雍正三年五月二十五日四川川北總兵官署理

松潘總兵官印務

臣

張元佐謹

奏為恭謝

天恩事雍正三年五月初一日承准督

臣

年羹堯照會

內開為請

旨事准兵部咨稱雍正三年三月初九日議政王大臣  
議覆條奏內地關繫緊要官兵不可裁汰一疏於

雍正三年三月二十三日題本月二十五日奉

旨張元佐著補授四川川北總兵官仍署理松潘總兵  
官印務李如栢著署川北總兵官印務欽此等因照  
會到臣臣隨恭設香案望

闕叩頭謝

恩訖伏念臣邊鄙武夫才疎質陋隨師軍前愧無寸報

蒙我

皇上隆恩擢補陝西洮岷副將復奉

恩旨署理松潘總兵官印務臣遵即抵松署事自慚蚊  
負時切冰兢臣雖署事總兵而職任副將亦未敢  
具摺奏

謝茲蒙

聖恩授臣總兵官臣聞

命自天感激無地除欽遵任事仍署理外臣惟有矢竭

駕駘盡心盡力仰荅

高厚於萬一耳為此繕摺奏

謝伏乞

睿鑒謹

奏

聞汝居官為人俱好愈勉公忠莫負朕之任用

雍正三年六月初一日四川北總兵官署理松

潘總兵官印務臣張元佐謹



奏為微臣懇

主情殷恭請

陞見事竊臣叨蒙

聖恩補授川北總兵官仍署理松潘鎮印務接任署事  
仰賴我

皇上德威遠布內外寧謐川北雖屬重鎮猶在腹裏而  
松潘內環番居外住夷牧誠極邊重地所關緊要  
臣智識短淺受茲鉅任實切悚惶仰懇

聖主俯鑒下誠准臣赴京

陛見俾得仰覲

天顏恭聆

聖訓庶巖疆事務有所遵循而孺慕之懷亦得以少伸  
矣臣不勝懇切待

命之至伏乞

睿鑒施行謹

奏

事事悉依岳鍾琪指授而行於周瑛回任時具摺請旨可也

雍正四年正月十九日四川松潘總兵官

臣張元

佐謹

奏為恭請

聖安事竊臣前具恭請

陛見一摺奉有

硃批臣自受

命以來宣布

皇上德威地方寧謐獨是松潘夷番雜處為蜀西重鎮

臣識淺才疎蚊負是懼臣惟期具摺懇

恩俞允趨赴

闕廷跪聆

聖訓庶幾臣有所遵循而犬馬戀

主之心亦得少慰但臣因近奉部文內開奉

旨四川松潘口外各番著張元佐前往料理務使千里

邊疆歸順之番人俱得安生樂業欽此等因到

臣臣

欽遵擬於本年三月內出口料理俟起程之日另

疏

題報是以不敢遽請

陛見臣寸衷鬱結寤寐難安謹冒昧繕摺恭請

聖安伏乞

睿鑒施行謹

奏

陛見之行聽候朕旨不必再三瀆請所奏知道了勉力為之

雍正四年九月初三日四川松潘總兵官臣張元佐謹

奏為奏

聞事竊臣所屬漳臘營管轄祈命之黑思漫寨番民爭霸他等五人於雍正三年九月內出黃勝關口外貿易被竹浪所管之哈納撤賊夷刦殺據漳臘營

遊擊邱名揚稟報前來臣即咨商副都統臣達鼐  
作何查追去後嗣准咨覆希於叅將遊擊內速派  
一員帶領有名漢番人役於六月二十以內至公  
厄爾克代青處所會同本副都統派委來員秉公  
嚴查剖斷等語臣隨行委遊擊邱名揚前往會查  
茲據該遊擊呈報卑職隨帶官兵五十二員名於  
六月初十日起程前至公厄爾克代青營上等候  
多日未見副都統達鼐差員前來於本年六月二

十七日接奉本鎮令牌發到卑職陞任雲南普威營叅將劄票會查事宜著交隨帶之千把總張興林湯義葵在彼完結卑職於六月二十九日自公厄爾克代青營上起程先遣通事等十名押解馱子前行卑職在後約行三十里至姜墮地方突出賊番數十餘人執械攔路邀截將前行馱子馬匹等項盡行刦搶卑職星率目兵馳至姜墮地方追捕而賊番業已遠遁因劄票限期屆迫不敢緩延



是以回漳交代起程赴任理合稟報等情臣據報  
一面檄行該營確查係何處賊番一面揀差能幹  
兵役前往口外躡捕賊蹤在案今據差役馬應等  
捉獲賊番絨考等二名當即審訊據供實係下郭  
羅克賊番喀賴林噶布為首率領賊番四十二人  
剽奪是實臣即撰寫夷信揀差幹役前往著落上  
中郭羅克土目旦增折旺他等務擒賊犯追賠搶  
去馬匹物件倘番性愚頑未肯實力奉行臣酌調

鎮屬土兵揀差能幹外委撫夷統領前往擒拏賊犯俟擒拏至日照番例完結外為此繕摺奏

聞伏乞

睿鑒施行謹

奏

據奏所事與內地強盜行劫相同耳然此風豈宜使其滋長但亦不可涉於多事邀功凡百總聽岳鍾琪指示而行毋違

雍正四年九月二十二日四川松潘總兵官臣張

元佐謹

奏為奏

聞事竊查漳臘營遊擊邱名揚於姜墮地方被賊番刦

奪馱子馬匹一事

臣當即揀差通事馬應等捉獲

賊番絨孝等二名並差幹役前往口外著落上中

郭羅克土目旦增等曉以利害勒獻賊首追取馬

匹物件去後茲據該差袁受等於九月二十日回

松稟稱查前刦奪馱子馬匹實係下郭羅克賊番  
當據土目旦增等供稱搶刦各物為首賊番絨孝  
等二名已經拏獲其賊番喀賴林噶布與為從賊  
番聞賊首絨孝等既被擒拏遂各棄賊逃避將搶  
刦馬匹物件盡數追出收領回松等情到臣臣生  
長松潘稍知夷情荷蒙

皇恩簡拔重鎮受事以來惟有仰體我

皇上如天之德撫綏彈壓力圖安靜但查下郭羅克番

人不務耕種專以搶奪為事且伊等住牧去內地甚遠鞭長莫及至於刦去馬匹物件已經追出賊首既擒惟賊番喀賴林噶布與為從賊番尚未盡獲以臣愚見莫若先將捉獲賊首絨孝等二名梟斬首級傳示下郭羅克地方土目牌番宣布

天威使知畏懼外應否俟明歲青草茂盛之時調集鎮屬漢土官兵臣親身統領前往嚴加勦洗誅其首惡分散其勢庶內外肅清一勞永逸矣為此具摺

奏請伏候

聖裁批示遵行謹

奏

此事與岳鍾琪商計妥協具摺奏請候朕酌定

雍正七年五月初九日四川松潘總兵官臣張元

佐謹

奏為恭謝

天恩事竊臣邊地庸材叨蒙

聖恩簡用總兵莅任四載毫無報稱寤寐兢惕自覺難

安今奉督臣岳鍾琪密飭整頓鎮屬馬步兵丁一

千名聽候調遣並令臣預備一切軍裝器械俟至

期行知等因奉此臣不勝歡忭踴躍斯正臣報效

聖主少酬涓埃之日是以製辦齊全候期起程繼奉督

臣令諭速遣妥差星至西安請領

皇賞銀兩臣遵即揀差星馳前往於本年五月初八日

領到

聖恩賞給銀五千兩臣望

闕叩頭謝

恩祇領訖伏念臣受

恩深重邊廷效力係臣職分之常乃蒙

聖主施恩格外

特賜帑金顧

高厚之難酬彌感激而自奮惟有殫心營務策勵戎行

以仰報



隆恩於萬一而已為此繕摺

奏謝伏祈

皇上睿鑒謹

奏

是役乃朕不得已而為之舉經密與大將軍岳鍾琪熟  
籌審計數年矣汝到肅後自知至於選派將領悉係鎮  
協中優等人材揀擇兵丁率皆行伍中出格精壯殊非  
草草從事汝今起程前往須將馬馱裹帶等項一一製

辦停妥惟望汝等同心合力戒驕戒懦鼓勇向前感蒙  
蒼穹慈佑早建功勲速奏凱旋之歌上以慰

聖祖在天之靈次以釋朕躬宵旰之懷君臣歡然相見再  
邀朕格外之恩可也勉之勉之

硃批諭旨卷八十五

欽定四庫全書

硃批諭旨卷八十六

硃批齊元輔奏摺

雍正四年七月初二日廣西左江總兵官臣齊元

輔謹

奏為恭報微臣欽遵

聖訓料理營伍以收實效事竊臣蒙

皇上隆恩陞授左江總兵自雍正四年四月初二日到

南寧府任事以後即將臣標所屬四營馬步戰守兵丁逐一備細考驗見技勇嫻熟者固不乏人而武藝生疎者亦復不少臣即打造銀牌每逢考驗之期分別獎賞以示鼓勵仍飭行各營將弁每營弓箭籐牌單刀烏鎗各項器械之內每項挑選教習二名朝夕教演務期一體純熟再查營中盔甲旗幟器械火礮各項頗皆鮮明而前鎮臣邊士偉製造紅船八隻分發水汛巡防臣到任之日見有

損壞者俱逐一修整完固臣又現造哨船二隻派撥官兵上下游巡周而復始以固地方以衛商旅其所屬陸路汛地如有附近交夷猺獞之區臣每月輪撥千把總一員各至交界處所交旗會哨俾水陸地方靜益求靜安益求安以仰副我

皇上慎重邊疆之至意再臣隨丁名糧並標營將弁隨糧以及公費糧數俱照定例并無多占總之臣身受

國恩深重前於副將任內入京

陛見跪聆

聖訓周詳雖肝腦塗地不能仰報

高深於萬一惟有以實心行實政庶幾余影無慚可以  
對諸

天日者即可以入

告於我

皇上之前也但臣所屬左江地方水陸遼濶夷土雜處

凡有因革損益之處容臣陸續清查隨時會同提

臣韓良輔酌量舉行應

奏報者會商奏

聞謹

奏

類斯等奏莫不皆然而行能符言者甚少如李維鈞佟世鱗許國桂馬觀伯其餘尚指不勝屈始初之奏較此更切及後敗露豈但言行不符竟至大相逕庭不知其

先具何膽量敢為是荒唐之語殊屬不解朕所以深為  
寒心於一切人不敢聽其言而遽信其行也但能勉力  
實行朕自有覺察何須此奏如果實實感激惟當屏盡  
私腸致身於國以一片赤衷對越

天地神明縱朕不知

上蒼斷無不鑒佑之理倘一味邀譽徇私專務粉飾欺隱  
縱能瞞朕亦豈有永遠昌盛之理乎據汝現今而論聲  
名頗好加勉自勵可也



同日又

奏為恭報米穀價值上慰

聖懷事竊查臣屬南太潯梧四府米價雍正四年六月  
分南寧府每倉石一兩一錢太平府八錢潯州府  
一兩三錢五分梧州府一兩五錢今歲春夏雨水  
調勻早禾豐收兵民安堵共享太平理合

奏報上慰

聖懷謹

奏

據奏雨水調勻早禾豐收朕懷深慰

雍正五年八月初三日廣西左江總兵官臣齊元

輔謹

奏為恭報米價雨水情形上慰

聖懷事竊臣屬廣西左江地方仰賴

聖主福庇今歲雨水調勻處處霑足水陸安靜百姓樂

業茲查南太潯梧四府及鬱林州本年七月分米

價南寧府每倉石一兩二錢太平府一兩四錢潯  
州府一兩零五分梧州府一兩零三五分不等鬱  
林州一兩早稻已經豐收晚禾又甚茂盛將來收  
穫之後各處米價自必更加平減所有臣屬各府  
州現在米價理合

奏報上慰

聖懷謹

奏

覽雨水米價情形朕心深慰各省收穫頗好而米價近  
俱少昂細推其故緣處處買補倉穀之所致一兩年內  
恐未能頓減民間目前雖覺少難然倉廩充實有備無  
患最為要政況暫時稍昂究非年荒米貴之比朕所喜  
者於此可徵地方有司皆實力彌補虧缺也

同日又

奏為敬陳一得之愚仰冀

聖明垂鑒事欽惟我

皇上御極以來旰食宵衣勵精圖治廣開言路不棄芻蕘臣雖一介武夫才庸識淺不揣愚昧謬擬弭盜六款為我

皇上陳之

一除盜之原無如設立保甲保甲之設務使小民保甲之通行全在州縣良吏非徒以法強迫而為者若共知共曉庶幾察嚴密而盜風自然漸息也今直遇劣員愈嚴愈滋紛擾於事無益只可看地方官之才力何如徐徐責成耳

上諭設立保甲矣而各該管地方有司只遵照部行內

不但為保甲一事之諭凡朕所諭皆出一片苦心該督撫等接到不過於省城張貼數紙告條遂謂已經遵奉已其部議舉首與隱匿者如何分別賞罰之處雖豈但窮鄉僻壤不識字畫愚民茫然未知即州縣讀書之人亦何嘗得聞朕正為此有諭臣頗請通行各省督撫識丁之氓末由見示而曉也

轉飭該管州縣務將前項興行保甲之文凡於所轄境內邊僻莊村處所一鄉之中令甲長每逢朔望將賞罰之處沿鄉曉諭俾目不識丁之輩亦知舉首者如何有利隱匿者如何有害觸目警心自

必互相查察不特本地姦匪無處托足而他方逃盜吏難容隱矣

此議一嗣後如有拏獲盜賊除本犯按律招擬外其該株屬過於嚴刻且亦不勝其株連矣萬不可行犯之父兄應行嚴加連坐也蓋凡為盜者皆因父

兄之教不嚴以致子弟不士不農不工不賈遊手好閒勢必漸流為匪及至為盜又溺於情愛曲為隱匿掩飾今若嚴定以連坐之罪則凡為父兄者日凜法令森嚴惟恐波及其身自不敢縱容子弟

為盜即有未經發覺亦必據實首報矣

一凡為盜者悉皆不事生業之人始初為盜鄉隣

鄉隣

處分一條在編查保甲中已經諭及亦可無庸再

加嚴飭

小伎倆狡詐多端於所在鄉隣或將微物餽送或

用酒食邀結以為日後挾制之端遂致隣佑知而  
不言畏而不言者往往而然今盜犯之鄉隣如係  
強盜知情不首應作何加倍處分如係竊盜容隱  
不報應作何嚴行懲究庶盜犯之鄉隣知所畏懼



不敢縱容隱諱矣

弊豈

一查粵西相沿惡習無論紳衿士庶人家遇鼠竊

諭現

狗偷往往以竊為強不曰蜂擁數十人劈門破戶

則曰率黨十餘兇鼠入強出以一報百開賊累累

及至庭讞之下悉皆海市蜃樓揆厥初心意以被

竊之案地方官毫無關係獲盜追贓勢難迅速惟

捏竊為強文武均有責成自然勒限窮追嗣後如

有以竊為強假捏呈報者按其所捏之輕重大小

如何分別治罪則刁頑無所用其伎倆矣

此條

一粵西人情夙仇素怨構結不解疊思報復遇有

盜警

即第四款所云諸弊中之一節耳

每稱火光之下識認某某包頭抹面直書姓

名住址鑿鑿不爽雖經審明摘釋而拘係拖累已  
不勝其荼毒臣請嗣後如有以盜陷仇者按照誣  
告之律嚴行招擬毋得少貸庶姦徒知警刁風可  
除矣

一搖撞土司地方甚是遼濶深林密箐漢土叢雜

此條

當與撫提二臣商酌定議

往往內地犯法之徒以及盜賊事發多有藏匿其

中捕役難以弋獲案件末由審結甚至流寓年久  
熟悉蠻情喜災樂禍挑唆愚獍生事以為利藪臣  
請通行督撫轉飭徭種各土司凡有漢人入境除  
貿易者聽其往來經商外如有境內白手閒遊指  
使土民作惡貽害地方以及踪跡可疑之人即行  
查明解交隣近有司訊明治罪仍查明原籍住址  
移解安插如係姦徒逃犯自必水落石出矣

以上六款乃臣為地方弭盜安民起見謬抒己意  
敬陳一得之愚是否可行伏乞

聖明睿鑒謹

奏

覽所奏數條雖識見每有不及處然立意甚屬可嘉身  
膺封疆重任百凡事務當如是留心計慮一有所得隨  
即奏聞候朕裁奪如所言是而見諸施行固於吏治民  
生大有裨益即所言非其不可行之故領朕訓示亦堪

增長汝之識見也

雍正六年八月二十四日廣西左江總兵官臣齊

元輔謹

奏為恭報粵西出師情形事竊照西隆州屬之八達  
寨目顏光色等肆行不法為害地方具巢穴處萬  
山之中與貴州之安籠雲南之廣南接壤層巒疊  
嶂最為險峻當西隆知州劉德健具詳請兵之初  
原不過欲借兵威以為脅服之計迨提臣田峻委

令遊擊常顯虎等統領官兵駐劄其地撫既不聽  
勦亦難施遂致遷延兩月有餘及右江鎮臣段宗  
岳於六月十二日帶兵身到行間詳行調度又移  
調臣標官兵三百名亦於六月十六日齊到行營  
據臣標領兵遊擊鄔元度節次稟報六月二十日  
官兵九路進擊被傷右江鎮標千總羅文虎迨安  
籠鎮標兵到又於七月二十一日分路進攻被傷  
安籠鎮標守備李文仲把總王承文官兵與賊兵

互有損傷而賊巢終不得破臣相距遙遠雖未備  
悉行間情形但鎮臣段宗岳親至行營之時目擊  
賊巢險固粵西先後調到官兵一千餘名炎天瘴  
癘病者居多不足以資分佈業經就近移請安籠  
廣南之兵繼又移請廣西提臣添撥官兵祇因賊  
徒猖獗難於久待初次進攻止粵兵數百及與安  
籠官兵協攻合計亦止一千有奇且分為數路攻  
擊其力實單以致我兵失利今提標撥去官兵八

百名臣標續調去官兵三百名滇黔兩省俱各添撥官兵將次雲集提臣田峻與安籠鎮臣蔡成貴又俱親赴行間會勘諒此小醜蕩除在即臣謹將現在情形繕摺奏

聞伏乞

聖鑒謹

奏

汝等粵西督撫提鎮罪何可辭向聞粵西營伍廢弛兵



丁技藝生疎未料至於如此之甚八達進師壞盡國家  
顏面若非滇黔兵至協勦奏捷事當作何收束汝尚覷  
然面目為此粉飾之詞耶況汝受朕拔擢之恩更與他  
人不同倘不悛改自新竭力振刷仍復因循萎靡竊祿  
尸位將來必有身家性命之憂也竭力勉為之

同日又

奏為恭報

臣屬雨水情形及米糧價值事竊照<sub>臣</sub>屬

廣西左江地方今歲春間少雨入夏以後雨水幸

獲調勻早稻收成約有八分至於晚稻惟太平府屬據報現有缺雨之處其餘各府屬晚稻俱皆茂盛豐收可冀目前米價南寧府屬每石九錢一兩不等太平府屬一兩至一兩一錢潯州府屬九錢至九錢五六分梧州府屬八錢五分至九錢五分鬱林州屬八錢至八錢五分其價較之冬春俱為少減祇今歲夏間炎熱太甚民間多染患時疾迨入秋以後業已漸次寧息現在地方寧謐百姓樂

葉懷集金山與蒼梧之芋莢山等處礦徒斂跡理

合繕摺奏

聞伏乞

皇上睿鑒謹

奏

覽雨水米價情形朕懷深慰然凡奏務須據實若稍涉  
粉飾欺隱即屬不忠朕亦何用閱此無稽之言耶誠之  
一字為最要勉之

雍正七年九月十一日廣西左江總兵官臣齊元

輔謹

奏為叩謝

天恩恭繳微臣原奉

硃批奏摺事竊臣一介武夫才庸識陋任粵四載過愆

日積去歲進勦八達粵兵怯懦臣職司軍旅既已

罪無可逭又止據領兵將弁行間稟詞冒昧具奏

雖置臣於重典未足蔽辜乃蒙

皇上格外寬宥仍

諭臣竭力振刷改過自新及督臣孔毓珣以臣平日訓

練無方列疏糾叅部議革職又奉

恩旨交與督臣鄂爾泰查明具奏俟奏覆到日再定臣

荷

覆載洪仁有加無已雖捐糜頂踵不足以仰報萬一若  
稍有懈怠不復竭力振刷不但

國法難容即

天地鬼神亦必誅殛但臣知識疎淺幸蒙我

皇上將廣西事務悉交督臣鄂爾泰總制本年二月內

提臣張溥奉

命由滇入粵赴任面述督臣之言云左江總兵尚未一

見其人令臣前赴雲南臣隨於二月二十六日起

程赴滇嗣聞督臣已赴貴州臣即至貴州省城謁

見至四月初六日自貴州起程回署計在黔省駐

劄一十一日一切戎政事宜俱經督臣鄂爾泰面

加指示臣惟有竭力振刷斷不敢稍有粉飾自取  
罪戾臣謹具摺叩謝

天恩併恭繳

硃批奏摺伏乞

睿鑒謹

奏

果能事事遵照鄂爾泰指授實力行之一切營伍軍容  
自可望改觀也

同日又

奏為恭請

陛見事竊臣蒙

皇上隆恩補授廣西左江總兵官於雍正四年四月內

到任邊疆要地任重才疎受事以來寸長未效過

愆日積悉荷

朕之錫只堪療可醫之證倘深入膏肓則亦無能措  
聖恩曲宥錫之鉞臣雖肝腦塗地未足仰報萬一臣  
施矣痛革從前委靡之習竭力振刷之時但臣知識淺短聞見  
正洗心補過竭力振刷之時但臣知識淺短聞見



鄙陋若非

聖明指示雖竭盡駑力於事無補伏查粵西現今時和

年豐地方寧靜臣懇

天恩鑒臣愚衷

允臣

但肯聽受鄂爾泰之指示而行勝如奔走數千里來聆

陛見俾一切機宜得以跪聆

朕之訓諭也  
聖訓有所遵循不至隕越即臣犬馬戀

主之忱亦得稍遂矣臣不勝感激待

命之至謹

奏

覽



硃批諭旨卷八十六